



DEMOKRATSKA FRONTA

Klub zastupnika Demokratske fronte u Skupštini Kantona Sarajevo

Zastupnik: Senad Hasanović

Broj: 66/21

U Sarajevu, 03.03.2021. godine

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
KANTONALNA UPRAVA CIVILNE ZAŠTITE**

PREDMET: ZASTUPNIČKO PITANJE

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16) upućujem zastupničko pitanje:

Kada je poslednji put na teritoriji Kantona Sarajevo organizirana i održana vježba većih razmjera u cilju uvježbavanja specijalističkih timova za spašavanje nastradalih uslijed prirodnih i drugih nesreća a u koju su bili uključeni: Kantonalna uprava civilne zaštite, Profesionalna vatrogasna brigada, Policijska uprava, Zavod za hitnu medicinsku pomoć, Gorska služba spašavanja isl.?

Da li su pomenute službe prema Vladi Kantona Sarajevo iskazale potrebu za navakom opreme i sredstava koji su nužni u uslovima zaštite i spašavanja stanovništva tokom stanja prirodne i druge nesreće ?

Da li postoje ažurirani planovi za spašavanje i evakuaciju civilnog stanovništva u slučaju razornog zemljotresa na području Kantona Sarajevo, da li su definirani mehanizmi za brzo osiguranje funkcionisanja sistema zdravstvene zaštite u uslovima nužne evakuacije bolesnika i osoblja iz objekata namjenjenih za pružanje zdravstvenih usluga (zgrade bolnica i domova zdravlja), te da li su definisane lokacije za brzu izgradnju šatorskih i improviziranih naselja uz osiguranje minimalnih uslova za privremeni boravak ljudi ?



OBRAZLOŽENJE:

Sistem zaštite i spašavanja civilnog stanovništva u uslovima prirodnih i drugih nesreća postaje bitan i dolazi u fokus javnosti gotovo isključivo u situacijama kada taj isti sistem zataji, pa se sjetimo nabavljati neophodnu opremu za spašavanje ljudi i materijalnih dobara od poplava tek kada se poplave dese, opremu za vatrogasce i druge službe nabavljamo tek onda kada nam ta oprema zatreba.

O statusu Gorske službe spašavanja govorimo tek kada se dogode nesreće na našim planinama i vrlo brzo zaboravljamo na sve probleme sa kojima se susreću članovi i uposlenici pomenutih službi.

Prirodne nesreće se dešavaju kontinuirano i vrlo često ostavljaju jako malo vremena za pripremu, a u nekim slučajevima kao što su zemljotresi dolaze bez ikakve najave i upozorenja.

Jedino što je sasvim sigurno jeste da će se zemljotresi desiti, ostaje nepoznanica smo kada, gdje i sa kojim intenzitetom, ono što kao društvo možemo uraditi jeste imati dobro opremljene i uvježbane službe zaštite i spašavanja sa kvalitetnim i ažuriranim planovima rukovođenja i upravljanja u kriznim situacijama.

Zastupnik u Skupštini Kantona Sarajevo
Senad Hasanović